

睢州志總目

目錄

卷首

序 圖考 凡例

卷一

地里志

星野 疆域 土產 河患 山川 古蹟

卷二

建置志

沿革 城池 寨工 公署 街道 倉廩

學校 書院 社學 壇祀 寺觀

卷三

建置志

田賦 陵墓 風俗 隆賢 郵政

卷四

官師志

州官名宦 儒學名宦 署事 州官 學師

衛官

卷五

選舉志

舉人 進士 貢士 薦舉 封贈 恩蔭

武舉 武進士 例貢 監生

卷六

人物志

名臣 仕宦 正學 武功 義烈

卷七

人物志

孝子 隱逸 獨行 文苑 方技 仙釋

卷八

人物志

孝女 孝婦 烈女 烈婦 節婦

卷九

藝文志

記

卷十

藝文志

序 辨說書 啓引傳 誌銘碑
表

卷十一

藝文志

詩

卷十二

存遺志

姓氏 封爵 遺事 災異 兵寇

修睢州志卷之九

藝文志

陸機曰籠天地於形內錯萬物於毫端劉勰曰
百年影徂千載心在久大之業孰過於文哉吾
睢夙稱才藪代有著述如陳性之之箋書徐子
存之注禮魯鄭卿之發明性理劉庭璠之節匯
通鑑特以篇帙浩大不克詳載又如袁司馬之
起廢讜論李司農之裕國宏謨黻黼楓猷爭光
日月貯列金滕無容再述唯是綴文之士家擅

崑玉人握靈珠操觚染翰卷盈緗帙而前志所
收止碑記十二篇詩五十四首夫作文體裁百
有餘名記以記名蹟詩以詠勝概前志取此他
文不錄卽劉瓚所刻人物志亦止載行狀墓誌
銘誄祭文他文亦闕如也至於聲詩先輩工者
尤多瓚嘗廣搜編復得晉雕先輩及時人詩幾
萬首嚴加評刪得若干首分爲若干卷顏曰雕
水音未及付梓而城破正副本俱失歐陽修所
謂竊悲其人言語工矣文章麗矣無與爲繼不第

華之飄風鳥獸好音之過耳也觀此言始知立
言不足恃而不朽必在於功德矣不知功德之
不必傳也更甚於言蓋古人乏信直之史金石
有崩泐之期是以人莫我知聖人猶歎其功德
之傳不傳亦有其數何有於區區言語之工文
章之麗哉愚故於前志止增若干卷切吾雖之
利弊者他文雖富災於兵火無由再得史云文
章者性情之風標神明之律呂邇令古人之文
章不傳於後來而後來無由識古人之性情焉

豈非數哉豈非數哉

記

睢州儒學興造記

明劉

昌

河南提學
蘇州人

孔子以四事設教曰文行忠信而唐虞與周五教三

物之說皆已具其中可以立人極贊化育而參天地

厯世尊之士固有偉然施於文詞以揚聲稱者夷考

其行與忠信或至背馳夫豈以文辭易工而行與忠

信難於積習而體驗遂至於有忽歟我太祖旣以神

謨聖烈登治功又以輔治之才莫不本於孔子四事

之教乃自京畿達於郡邑皆建學學皆有廟歲時祀

孔子以太報本而養士有廩隆師有道使之修五教
明三物涵煦積久而貢士以四事之成文昭章瘠瘠
於今上以承以繼申章程嚴戒飭優獎士類於孔子
四事之教無所擇於所謂難易益資取而敦行之故
今百年之久士習正而治功成者知尊孔子之教之
效也雖舊有學淪於水前知州仲廣嘗已改作規制
不備今知州謝光初下車卽慨然以創興爲己任曰
此報祀先聖與尊賢隆師之所不備不足稱祖宗之
德意於是廣公出節冗費市材經始逾年禮殿成巍

乎煥然加於舊觀遂作兩廡及戟門櫺星門歲時致
祭闢治之器籩豆之屬諸需備集踰年講堂成以至
齋庖之所棲寓之廬庫庾之次百室悉具又闢道通
衢表以泮宮西南爲射圃立觀德之亭置侯一弓六
矢百事射旣訖學正宗昇訓導姚玉相與告於昌昌
奉敕提學方督察守令毋墮祀慢賢以棄儒道而光
式克興創庶幾所謂輔治之才知以孔子四事之教
取資而敦行者夫孔子道大德宏約之爲四事以教
萬世我列聖特尊慕之推而正士習期治功上有好

者下必有甚焉此光之於睢所以力任興作不敢以
不備自己也繼今睢之士惟勉勉於四事以修五教
明三物敦行積習體驗而擴充之出以輔治將不繩
繩而多才乎然則光之是舉蓋不爲無益昌故書其
事於石以告睢之士且以警郡邑之墮慢而棄儒者
而材用之數不係於大要不書焉

重建廟學記

車

河南提學
廣陽人

睢爲開封之屬地初成化戊戌黃河溢城公私廬
舍蕩析一空宏治己酉予始試士睢學病其宮堂隘
塞於闐闐之中詢知爲廊外新易地而非舊創學也
舊基在州治之西積水沮澄蒹葭叢茂儼然成一區
澤予周旋諦視之固知有其地難其力而大其費也
癸丑之夏知州泰和鄧鼎來任睢事予亦知鼎先守
鄧作事有序比甲寅秋選士之餘乃以興復舊學屬
鼎鼎乃建白巡撫河南都御史海虞徐公巡按河南

監察御史太原王公壺城涂公得公帑若干市林木
積薪芻若干範瓦甃起軍民若干墊地基節羨餘若
干易役費睢地廣務繁而豐歉不常鼎極力殫勞越
歲乙卯工漸就緒丙辰秋予復抵睢則見突然煥然
深宮邃廡高堂廣廈丹碧堊黝分析交輝士喜以游
民樂而觀有官在位者莫不欣欣然有喜色矣惟風
俗之醕漓係乎學校之興廢廉察有司之賢否亦於
是乎爲先予濫竽提調之責而喜於任事廉且勞而
未嘗不改觀而加禮也鼎能易舊爲新乃創有於

而非以小易大之比其功孰可泯也未久鼎陞南京
刑部員外郎去時歲冬山陰徐鑑代蒞料理落成
之學正林侃持山東參議尙公美中狀欲言以記
其事予謂古先帝王治隆俗美率以興學而倫爲本
後世君臣循之則治失之則亂乃不易之常道也苟
不務此反以簿書刑法爲效之近者直視爲傳舍鞠
爲草莽亦無怪其治之不逮古也凡今士之學於雖
者其思昔之舊而腐者云何今之新而堅者云何同
茲地也魚游鴈泳一陂澤也玉振金聲一廟堂也反

而求之於吾心通塞動靜之機果有二乎哉是爲之
記因以勸雎之多士云